

木

州

網

目

本草綱目草部第十五卷

草之四

墜草類上五十三種

菊

本經

野菊

拾遺

菴藷

本經
對廬附

著

本經

艾

別錄
夏臺附

千年艾

綱目

茵陳蒿

本經

青蒿

本經

黃花蒿

綱目

白蒿

本經

角蒿

唐本

蘼蒿

拾遺

馬先蒿

本經

陰地厥

圖經

牡蒿

別錄

九牛草

圖經

茺蔚

本經
益母草
卽

鑿菜

拾遺

薇銜

本經
無心草
附

夏枯草

本經

劉寄奴草

唐本

曲節草

圖經卽六月霜

麗春草

圖經

旋覆花

本經

青葙子

本經。陶朱術鴈來紅。天靈草。思葇子。附。

雞冠花

嘉祐

紅藍花

開寶

番紅花

綱目

燕脂

綱目

大薊小薊

別錄

續斷

本經

苦苣

別錄

漏蘆

本經

飛廉

本經

苧麻

別錄

苧麻

唐本白麻

大青

別錄

小青

圖經

胡蘆巴

嘉祐

蠡實

本經卽馬

蘭子。

必似勒附。

惡實

別錄卽牛蒡

泉耳

本經卽蒼耳

天名精

本經卽地菰

鶴蝨

猓菽

唐本

箬

綱目

蘆 別錄

甘蕉 別錄

蘘荷 別錄

麻黃

本經雲花草附

木賊

嘉祐問荆附

石龍芻

本經卽龍鬚草

龍常草

別錄卽櫻心草

燈心草

開寶

右附方舊一百四十四新二百八十六

本草綱目草部第十五卷

草之四 陞草類上五十三種

菊 本經上品

釋名節華

本經

女節

別錄

女華

別錄

女莖

別錄

日精

別錄

更生

別傳延年

別錄

治牆

爾雅

金蕊

綱目

陰成

別錄

周盈

別錄

珍曰按

陸佃卑雅云菊本作鞠從鞠鞠窮也月令九月菊有黃華華事至此而窮盡故謂之鞠節華之名亦

取其應節候也崔寔月令云女節女華菊華之名也治牆日精菊根之名也抱朴子云仙方所謂日

精更生周盈皆一菊而根莖花實之名異也頌曰唐天寶單方圖載白菊云原生南陽山谷及田野

中穎川人呼為回峰菊汝南名茶苦蒿上黨及建安郡順政郡並名羊歡草河內名地薇蒿

集解

別錄曰菊花生雍州川澤及田野正月采根

皆陰乾宏景曰菊有兩種一種莖紫氣香而味甘

葉可作羹食者爲真菊一種青莖而大作蒿艾氣

味苦不堪食者名苦薏非真菊也葉正相似惟以

甘苦別之南陽酈縣最多今近道處處有之取種

便得又有白菊莖葉都相似惟菊白五月取之仙

經以菊爲妙用但難多得宜常服之藏器曰白菊

生平澤五月花紫白色頌曰處處有之以南陽菊

潭者爲佳初春布地生細苗夏茂秋花冬實然種

類頗多惟紫莖氣香葉厚至柔者嫩時可食花微

大味甚甘者爲真其莖青而大葉細氣烈似蒿艾

花小味苦者名苦薏非真也南陽菊亦有兩種白

菊葉大如艾葉莖青根細花白蕊黃其黃菊葉似

茼蒿花蕊都黃今服餌家多用白者又有一種開

小小花瓣下如小珠子謂之珠子菊云入藥亦佳

宗奭曰菊花近世有二十餘種惟單葉花小而黃

綠葉色深小而薄九月應候而開者是也鄧州白

菊單葉者亦入藥餘皆醫經不用瑞曰花大而香者爲甘菊花小而黃者爲黃菊花小而氣惡者爲野菊時珍曰菊之品凡百種宿根自生莖葉花色品品不同宋人劉蒙泉范至能史正志皆有菊譜亦不能盡收也其莖有株蔓紫赤青綠之殊其葉有大小厚薄尖禿之異其花有千葉單葉有心無心有子無子黃白紅紫閒色深淺大小之別其味有甘苦辛之辨又有夏菊秋菊冬菊之分大抵惟以單葉味甘者入藥菊譜所載甘菊鄧州黃鄧州白者是矣甘菊始生于山野今則人皆栽植之其花細碎品不甚高蕊如蜂窠中有細子亦可捺種嫩葉及花皆可燉食白菊花稍大味不甚甘亦秋月采之菊之無子者謂之牡菊燒灰撒地中能死鼃黽說出周禮

花

葉根莖

氣味苦平無毒

別錄曰甘損之曰甘者入藥苦者不入藥杲曰

苦甘寒可升可降陰中微陽也時珍曰本經言菊花味甘諸家以甘者爲菊苦者

爲苦蕒惟取甘者入藥謹按張華博物志言菊有
兩種苗花如一惟味小異苦者不中食范至能譜
序言惟甘菊一種可食仍入藥餌其餘黃白二花
皆味苦雖不可餌皆可入藥其治頭風則白者尤
良據此二說則是菊類自有甘苦二種食品須用
甘菊入藥則諸菊皆可但不得用野菊名苦蕒者
爾故景煥牧豎閑談云真菊延齡野菊泄人正如
黃精益壽鉤吻殺人之意之才曰朮及枸杞根桑
根白皮青葙葉爲之使

主治諸風頭眩腫痛目欲脫淚出皮膚死肌惡風

溼痺久服利血氣輕身耐老延年

本經

療腰痛去來

陶陶除胸中煩熱安腸胃利五脈調四肢

別錄○陶陶縱

緩貌治頭目風熱風旋倒地腦骨疼痛身上一切游

風令消散利血脈並無所忌甄權作枕明目葉亦明

目生熟並可食大養目血去翳膜素主肝氣不足

好古

白菊氣味苦辛平無毒

主治風眩能令頭不白弘景染髭髮令黑和巨勝茯

苓蜜丸服之去風眩變白不老益顏色藏器

發明震亨曰黃菊花屬土與金有水與火能補陰

受四氣飽經霜葉枯不落花槁不零味兼甘苦性稟平和昔人謂其能除風熱益肝補陰蓋不知其得金水之精英尤多能益金水二臟也補水所以制火益金所以平木木平則風息火降則熱除

用治諸風頭目其旨深微黃者入金水陰分白者
入金水陽分紅者行婦人血分皆可入藥神而明
之存乎其苗可蔬葉可啜花不可餌根實可藥
囊之可枕釀之可飲自本至末罔不有功宜乎前
賢比之君子神農列之上品隱士采入酒罍騷人
餐其落英費長房言九日飲菊酒可以辟不祥神
仙傳言康風子朱孺子皆以服菊花成仙荆州記
言胡廣久病風羸飲菊潭水多壽菊之貴重如此
是豈羣芳可伍哉鍾會菊有五美贊云圓花高懸
準天極也純黃不雜后土色也早植晚發君子德
也冒霜吐穎象貞質也盃中體輕神仙食也○西
京雜記言采菊花莖葉雜秫米釀酒至次年九月
始熟用之

附方

舊六新

服食甘菊

玉函方云王子喬變白增

采苗名曰玉英六月上寅日采葉名曰容成九月
上寅日采花名曰金精十二月上寅日采根莖名

曰長生四味並陰乾百日取等分以成日合擣千
杵爲末每酒服一錢匕或以蜜丸梧子大酒服七
丸一日三服百日輕潤一年髮白變黑服之二年
齒落再生五年八十歲老翁變爲兒童也孟詵云
正月采葉五月五日服食白菊太清靈寶方引九
采莖九月九日采花服食白菊月九日白菊花二
斤茯苓一斤並擣羅爲末每服二錢溫酒調下日
三服或以煉過松脂和丸雞子大每服一丸主頭
眩久服令人好顏色不老藏器曰抱朴子言劉生
丹法用白菊汁蓮花汁地血汁樗汁和丹蒸服也
白菊花酒天寶單方治丈夫婦人久患頭風眩悶
不覺欲倒者是其候也先灸兩風池各二十七壯并
服此酒及散永瘥其法春末夏初收白菊軟苗陰
乾擣末空腹取一方寸匕和無灰酒服之日再服
漸加三方寸匕若不飲酒者但和羹粥汁服亦得
秋八月合花收暴乾切取三大斤以生絹袋盛貯
三大斗酒中經七日服之日三次常令酒氣相續

爲佳
經
蘇
風熱頭痛
菊花石膏川芎各三錢爲末
簡便

方
膝風疼痛
菊花陳艾葉作護膝久則
癰疽入目

生醫障用白菊花穀精草綠豆皮等分爲末每用
一錢以乾柿餅一枚粟米泔一盞同煮侯泔盡食

柿日食三枚淺者五七日遠
病後生醫
白菊花蟬

者半月見效
仁齋直指方
療腫垂死
菊花

散每用二三錢入蜜少許水煎服
療腫垂死
一握

大人小兒皆宜屢驗
救急方
女人陰腫
甘菊苗搗

搗汁一升入口卽活此神驗
方也冬月采根
肘後方
女人陰腫
爛煎湯先

氏得效方
酒醉不醒
九月九日眞菊花爲末飲
外臺秘要

眼目昏花
雙美丸用甘菊花一斤紅椒去目六兩
爲末用新地黃汁和丸梧子大每服五

十丸
臨臥茶清
下
瑞竹堂方

花上水主治益色壯陽治一切風明大

野菊

拾遺

釋名苦蕒

時珍曰蕒乃蓮子之心此物味苦似之故與之同名

集解

藏器曰苦蕒生澤畔莖如馬蘭花如菊菊甘而蕒苦語曰苦如蕒是也時珍曰苦蕒處處

原野極多與菊無異但葉薄小而多尖花小而蕊多如蜂窠狀氣味苦辛慘烈

根葉莖花氣味苦辛溫有小毒

震亨曰野菊花服之大傷胃氣

主治調中止洩破血婦人腹內宿血宜之

藏器治癰

腫疔毒瘰癧眼癰

時珍

附方

新癰疽疔腫

一切無名腫毒孫氏集效方用野菊花連莖搗爛酒煎熱服取

汗以渣傳之即愈
蒼耳草各一握共搗入酒一盃絞汁服以渣傳之
取汗即愈或六月六日采蒼耳葉九月天泡溼瘡
九日采野菊花爲末每酒服三錢亦可
野菊花根棗木煎湯
洗之醫學集成
消不消亦自破也

瑞竹堂經驗方

菴蘭

本音淹閭上品

釋名覆閭

時珍曰菴草屋也閭里門也此草乃蒿屬老莖可以蓋覆菴閭故以名之貞元

廣利方謂之菴蘭蒿云又史注云
菴廬軍行宿室也則閭似當作廬

集解

別錄曰菴蘭子生雍州川谷亦生上黨及道邊十月采實陰乾宏景曰狀如蒿艾之類近

道處處有之仙經亦時用之人家種此辟蛇也
曰今江淮亦有之春生苗葉如艾蒿高二三尺七

月開花八月結實九月采實時珍曰菴蘭葉不似艾似菊葉而薄多細丫面背皆青高者四五尺其莖白色如艾莖而粗八九月開細花淡黃色結細實如艾實中有細子極易繁衍藝花者以之接菊

子氣味苦微寒無毒別錄曰微溫普曰神農雷公

之溫權曰辛苦時珍曰降也陰中微陽入足厥陰經血分之才曰荆實薏苡爲之使

主治五臟瘀血腹中水氣臚脹留熱風寒溼痺身

體諸痛久服輕身延年不老本經療心下堅隔中寒

熱周痺婦人月水不通消食明目駉驢食之神仙

別錄益氣主男子陰痿不起治心腹脹滿甄權腰腳重

痛膀胱痛及骨節煩痛不下食大明搗酒飲治閃挫

腰痛及婦人產後血氣痛

時珍

發明

頌曰本經言久服輕身不老而古方少有服

丸之類大方中用之孫思邈千金翼韋宙獨行方

主跪折瘀血並單用菴蘭煮汁服亦可末服今人

治打撲多用此法或飲或散其效最速時珍曰吳

普本草及名醫別錄並言驅驢食菴蘭神此亦

謂其多壽爾驅驢乃獸名似驪而小前足

長後足短不能自食每負斃鼠爲之嚙食

附方新舊一瘀血不散汁變成癰腫生菴蘭蒿擣月水

不通婦人宿有風冷留血積聚月水不通菴蘭子

酒二斗浸封五日後每飲產後血痛水菴蘭子一兩

三合日三服聖惠方

小便二盃煎飲

頻湖集簡方